



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 60. Elisabethæ foedus cum Franciæ Calvinistis.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæc. XVI.
A.C. 1562.

dedit; diu enim hanc sententiam revocari adlaborabat: Catharina vero tandem in carcere contabuit: quod autem Harfordiæ Comitem tanquam verum suum Maritum agnosceret, luculento comprobabat argumento, dum morti proxima a Regina veniam peti voluerit, eoquod absque ejus consensu nuptias iniisset.

§. LX.

Elisabethæ fœdus cum Franciæ Calvinistis.

Verum Elisabethæ longe majus periculum impendebat a Scotis, quorum Reginam potissimi tuebantur amici, qui opportunam seidem Angliæ regnum afferendi occasionem avidè præstolabantur: cum autem Elisabetha pro comperto haberet, quod cuncta hæc consilia a Guisio Duce agitentur, isque vehementer desideraret, ut Galli Religione Catholici sua arma in Normanniam circumferrent, hacque ratione Angliæ Regno, in quod copias ad consilium suum feliciter exequendum introducere moliebatur, viciniore essent: eapropter Elisabetha cum Carnotensi Præfecto, quem Condæus Princeps ad eam ablegabat, armorum societatem iniit, vi cujus Regina spondebat, quod Hugonottarum Principibus præter cen-

Yy 2 tum

Sæcul. XVI.
A. C. 1562. tum aureorum millia etiam sex pediatum millia suppetias mittere velit, ea tamen lege, ut tria horum millia ad propugnandam Dieppam, & Rothomagum adhiberentur, reliqua autem tria millia tanquam præfidiarii Portui-Gratiæ imponerentur; hujus enim urbis possessionem Calvinistæ asserebant Reginæ, eo jure, ut illam usurparet, donec eidem Caletum redderetur: porro hac agendi ratione Elisabetha sibi persuadebat, quod continuato in Galliis bello Guisus Dux sopiendis hisce flammis intentus quicquam contra Anglos moliri præpediretur: verum illa sex Anglorum millia, dum exeunte Mense Septembri advenerant, Rothomagum jam a Catholicis obsessum intellexerunt, quapropter in duo dividebantur agmina, quorum unum Dieppam ingrediebatur, alterum vero Portum-Gratiæ occupabat, cujus urbis Præfectus nominabatur Varvicensis Comes Anglici exercitus Bellidux: attamen ob Rothomagi expugnationem, Navarræ Regis obitum, & Drocense prælium vix non omnia Reginæ consilia in irritum cecidere.